



三因方

十七



十武
子28
10c



中武
28
卷 10



三因極一病證方論卷之十七

婦人論

夫天地造端於夫婦乾坤配合於陰陽雖清濁動靜
之不同而成象効法之有類原茲婦人之病與男子
不同者亦有數焉古方以婦人病比男子十倍難治
不亦言之深乎但三十六病產蓐一門男子無之其
如外傷風暑寒濕內積喜怒憂思飲食房勞虛實寒
熱悉與丈夫一同也依源治療可得而知之

求子論

夫有夫婦則有父子婚姻之後必求嗣續故聖人講



三因方論卷之十七

不孝有二無後為大者言嗣續之至重也凡欲求子當先察夫妻有無勞傷痼害之屬依方調治使內外和平則婦人樂有子矣

湯胞湯治婦人立身已來全不產及斷緒久不產三十年者

- 朴消 牡丹皮 當歸 大黃蒸一飯久
- 桃仁湯去皮尖麩炒各半兩 細辛去苗 厚朴去鹿皮切姜製炒
- 赤芍藥 桔梗 人參 茯苓
- 桂去皮 甘草炙 牛膝酒浸 橘皮各三錢壹字
- 附子炮去皮臍一兩 虻虫去鬚翅炒焦 水蛭切炒各肆拾枚

右為劉散每服肆大錢水酒合一盞半煎取陸分去滓空腹服日參夜壹温覆得少汗必下積血及冷赤膿如小豆汁斟酌下盡若力弱大困不堪者只壹貳服止然恐惡物不盡不得藥力能盡服儘好不爾著坐導藥坐導藥治全不產及斷緒服前湯胞湯惡物不盡用此方

- 皂角去皮 吳茱萸 當歸各一兩 細辛去苗 五味子
 - 乾薑炮各貳兩 大黃蒸 礬石枯 戎鹽 蜀椒各半兩
- 右為細末以絹袋盛大如指長參寸餘盛藥令薄縛定納婦人陰中坐卧任意勿行走小便時去之更安壹日壹度易新者必下清黃冷汁汁盡止若未見病出可十自安之本為

子宮有冷惡物故令無子值天陰冷則發疼痛須候病出盡方已不可中輒每日早晚用苦益菜煎湯薰洗

秦桂圓 治婦人無子昔金城范守進此方見經驗

秦艽 去蘆 桂心 不見 杜仲 去皮姜製 防風 參 厚朴 去皮姜製 參 分

附子 去皮臍 生用 茯苓 各兩 白薇 乾薑 牛膝 酒浸

沙參 半夏 湯洗各 人參 壹兩 細辛 去苗貳 兩一分

右為細末煉蜜為丸如赤豆大每服五十圓食前溫酒醋湯任下如未効更加圓數覺有神効並如彼說不復繁引

探胞湯 斷經三月不知其胎驗之方

川芎 不拘多少

右為末濃煎艾湯調貳錢空腹服微動則有胎

脈例 大同陳至十公去病至心則

經云陰搏陽別謂之有子搏者近也陰脈逼近於下陽脈別出於上陰中見陽乃知陽施陰化法當有子又少陰脈動甚者妊子也手少陰屬心足少陰屬腎心主血腎主精精血交會識投于其間則有娠又三部脈浮沉正等無病者有妊也餘並如脈經說

惡阻

婦人中脘宿有風冷痰飲經脈不行飲與血搏多喜病阻其狀顏色如故脈理順時不知病之所在但覺

四肢沉重頭自眩暈惡聞食臭喜噯酸至三四月則大劇吐逆不自勝持多卧少起此由經血既開水漬於臟臟氣不得宣通頭潰悶經脉秘澁故使四肢沉重按風則頭自眩暈留飲則瀉吐無時

竹茹湯治妊娠擇食嘔吐頭疼顛倒疾逆四肢不和煩悶

人參

橘皮

白朮

麥門冬

去心各一兩

甘草

炙一分

白茯苓

厚朴

姜製各半兩

右為劉散每服四大錢水一盞半姜五片入竹茹一塊如指大同煎至七分去滓空心服

半夏茯苓湯治妊娠惡阻心中潰悶頭自眩暈四肢

合隨百娘節煩疼痰逆嘔吐嫌聞食氣好噯酸多

卧少起不進飲食

半夏

湯洗七次三兩

茯苓

熟地黄

各一兩八錢

橘皮

細辛

人參

芍藥

川芎

紫蘇葉

桔梗

甘草

炙各一兩二錢

右為劉散每服四大錢水二盞姜七片煎七分去滓空腹服有客熱煩渴口生瘡者去橘皮細辛加前胡知母腹冷下利者去地黄入桂心炒胃中虛熱大便開小便澀加大黃二兩去地黄加黃芩六錢

茯苓圓治妊娠阻病心中煩悶頭暈重憎聞飲食氣

便嘔逆吐悶顛倒四肢重弱不自勝持服之即効
要先服半夏茯苓湯兩劑後可服此方

茯苓 人參 桂心 乾姜 半夏

橘皮 白木 葛根 甘草 枳實 各二兩

右為末蜜丸如梧子大每服三五丸米飲下日三服

少地黃圓治姪姪酸心吐清水腹痛不能食

人參 乾姜 炮各 等分

右為末用生地黃汁丸如梧子大每服五丸米湯下食前服

養胎太論

夫養胎須分能所母為能養子為所養各義既殊致
養亦別故謂之重身父母交會之初子假父母精血

投識於其間然後成姪元氣質始之謂也一月血聚
謂之始血二月精凝謂之始膏三月成形謂之始胎
此亦无次第中次第也道生一一生二二生三三生
萬物既以二而成故不得不數月而分也成形之後
陰陽施化男女始分故隨見外象而有感於內四月
始受少陰君火氣以養精五月受太陰濕土氣以養
肉六月受少陽相火氣以養氣七月受陽明金氣以
養骨八月受太陽水氣以養血九月受厥陰木氣以
養筋十月臟腑俱備神明已全俟時而生此皆所養
胎息之所成始成終也若能養者惟在乃母依經所

載而時養之無妄服食針灸勞逸等不特傷胎亦乃
自傷不可不備學也為保傳母尤宜熟識之謹備列
母之能養避忌諸法以繼諸後

避忌法

一月足厥陰脉養內屬於肝肝臟血不可縱怒及疲
極筋力冒觸邪風亦不可妄針灸其經二月足少陽
脉養內屬於膽膽合於肝共榮於血不可驚動及針
灸其經三月手心主脉養內屬右腎腎主精不可縱
慾及悲哀觸冒寒冷亦不得針灸其經四月手少陽
脉養內屬三焦三焦精府合腎以養精不可勞逸及

針灸其經五月足太陰脉養內屬於脾胃脾養肉不可
妄思及飢飽觸冒卑濕亦不可針灸其經六月足陽
明脉養內屬於胃胃為臟腑海合於脾以養肉不得
雜食及針灸其經七月手太陰脉養內屬於肺肺以
養皮毛不可憂鬱及叫呼觸冒煩躁亦不得針灸其
經八月手陽明脉養內屬於大腸合肺以養氣母食
燥物致氣溢及針灸其經九月足少陰脉養內屬於
腎以養骨不可懷恐及房勞觸冒生冷亦不得針灸
其經十月足太陽脉養內屬於膀胱以合腎太陽為
諸陽主氣故使兒脉續縷皆成六府通暢與母分氣

神氣各全，俟辰而生，唯不說手少陰心養者，蓋心為五臟之主，如帝王不可有為也。若將理得宜，無傷胎臟，更能知轉男胎教之法，斯為盡善。叙例于后。

轉女為男法

論曰：陽施陰化，所以有娠。遇三陰所會，多生女子。但懷娠三月，名曰始胎，血脈不流，象形而變。是時男女未定，故今於未滿三月間，服藥方術，轉令生男也。其法以芥置妊婦床下，繫刃向下，勿令人知。恐不信者，令待雞抱卵時，依此置窠下，一窠盡出，雄雞此雖未試，亦不可不知。凡受胎三月，逐物變化，故古人立胎

教能令生子良善，長壽忠孝仁義聰明，无疾蓋頂十月之內，常見好境界，无近邪僻，真良教也。如有觸性傷胎，各有法據。徐之才逐月養胎傷胎等方，備則備矣。事煩少用，故不暇錄。識者當自閱。今出安胎方，如后。

安胎飲治妊娘胎寒腹痛或胎熱多驚舉重腰痛腹

滿胞急卒有所下或頓仆閃肭飲食毒物或感時

疾寒熱往來致傷胎臟

川芎

枳殼

切麩炒去穢各兩半

熟地黄

二兩

糯米

二合

右為劉散每服四大錢水一盞半姜五片棗一枚

金銀少許同煎至七分食前服

白朮散治妊娠宿有風冷胎痿不長或失於將理動傷胎氣多致損墮常服保護胎臟

白朮

川芎

各四兩

川椒

去合口者并子炒出汗三兩

牡礪

粉煨二兩

右為末每服二錢溫酒米湯任調下腹痛加白芍藥心下毒痛加川芎心煩嘔吐加細辛一兩半夏二十粒湯洗入若渴者以大麥汁調服病雖愈盡服勿置味惡多阻人宜作丸服亦治室女帶下諸疾

覃胎散

治妊娠傷寒大熱悶亂燥渴恐傷胎臟

捲荷葉

嫩者焙乾一兩

蚌粉花

半兩

右為末每服二錢入蜜少許新汲水調下食前服

漏阻例

懷妊全假經血以養胎忽因事驚奔或從高墜下頓仆失據或冒涉風寒觸忤邪祟致暴下血胎乾不動奔上搶心腹中急逼或血從口出皆傷胎證也

膠艾湯治妊娠不問月數深淺因頓仆胎動不安腰腹痛或有所下或胎奔上刺心短氣安胎

熟地黃

二兩

艾葉

炒

當歸

甘草

炙

芍藥 川芎 阿膠各一兩 黃芪一兩

右為劉散每服四錢水一盞半煎七分去滓食前溫服胃中逆冷加生姜五片棗三枚同煎

芩根湯治胎无故下血腹痛不可忍或下黃汁如漆如小豆汁者

野苧根 二兩劉炒 金銀 各一兩

右為一劑水酒各一盞煎至一盞去滓分二服不以時服

桂枝茯苓圓治婦人宿有癥瘕妊娠經斷未及三月即動此癥也經斷三月而得漏下不止胎動在臍

上者為癥瘕害當去其癥又論妊娠六月動者前三月經水利時胎下血者後斷三月不血也所以

下血不止者其癥不去故也當下其癥
桂心不焙 茯苓 牡丹皮 桃仁去皮尖

芍藥 各等分

右為末煉蜜丸如彈子大每服一丸嚼細溫酒米湯任下食前服

千金保生圓養胎益血安和子臟治妊娠將理失宜或因勞役胎動不安腰腹痛重胞阻漏胎惡露時下子臟挾疾久不成胎或受妊不能固養痿燥不

長過年不產，日月雖滿，轉動无力，或致損墜，及臨產節適，宜驚動太早，產時未至，惡露先下，胎胞枯燥，致令產難，或橫或逆，痛極悶亂，連日不產，子死腹中，腹上冰冷，口唇青黑，吐出冷沫，新產惡血上衝，運悶不省，喘促汗出，及瘀血未盡，臍腹疔痛，寒熱往來，或因產勞損虛，羸未復，面黃體瘦，心怔盜汗，飲食不進，漸成蓐勞，八月常服壯氣養胎，正順產理，潤胎易產，產後常服滋養血氣，和調陰陽，密膝理實，腑臟治風，虛除痼冷。

甘草 灸 貝母 秦椒 去目炒 乾姜 炮

桂心 炒 黃芩 石斛 去根 石膏 煨 糯米 炒
 大豆卷 炒各一分 當歸 酒浸一宿 微炒半兩 麻子仁 兩半 別研
 右為末，煉蜜為丸，如彈子，大每服一丸，並用溫酒或棗湯任下，細嚼空心服。

子煩證治

竹葉湯治，妊娠苦煩悶者，以四月受少陰君火氣，以養精六月受少陰相火氣，以養氣，若母心驚膽寒，多奸煩悶，名子煩。

防風 去叉 黃芩 麥門冬 去心各 白茯苓 四兩
 右為剉散，每服四大錢，水一盞，半竹葉十數片煎。

少陰相火之陰當作陽

七分去滓温服

腹痛下利治法

當歸芍藥散治妊娘腹中絞痛心下急滿及產後血
暈內虛氣乏崩中久痢常服通暢血脉不生癰瘍
消痰養胃明目益津

白芍藥 八兩

當歸

茯苓

白朮

各二兩

澤瀉 四兩

川芎

四兩一法
兩半

右為末每服二錢温酒調下食前元和紀用經云
本六氣經緯圓能祛風補勞養真陽退邪熱緩中
安和神志潤澤容色散邪寒温瘴時疫安期先生

賜李少君夕餌之藥後仲景增減為婦人懷妊腹
痛本方用芍藥 四兩 澤瀉 茯苓 川芎 各一兩
當歸 白朮 各二兩 亦可以蜜為丸服

雞黃散治懷身下痢赤白絞刺疼痛

雞子一箇

鳥者尤妙就頭作一
竅頭出青者留黃

黃丹

一錢入前雞子殼內打令黃勻以
厚紙裹黃泥固濟火上煨取焙乾

右為末每服二錢米飲調下一服愈者是男兩服
愈者是女○凡冷熱利斷下門中選无毒者皆可

用

小便病證治

凡妊娠胎滿逼胞多致小便不利者或心腎氣不足不能使胞冷清濁相干為諸淋病或胞系了戾小便不通名曰轉胞又胎滿尿出不知時名遺溺治之各有方

苦參圓治妊娠小便難飲食如故

當歸

貝母炒

苦參各三兩

滑石半兩

右為細末蜜丸小豆大米飲下二十九丸不拘時服葵子散治妊娠小便不利身重惡寒起則眩暈及水腫者

葵子

五兩

茯苓

三兩

右為末每服二錢匕米飲調下小水利則愈又方

入榆白皮一兩

八味圓治婦人病食飲如故煩熱不得卧而反倚息以胞系了戾不得溺故致此病名轉胞但利小便則愈以八味丸中有茯苓故也方見少陰脚氣門

白薇芍藥散治妊娠遺尿不知出時

白薇

芍藥

各等分

右為末酒服方寸匕日二三服

胎水證治

凡婦人宿有風寒冷濕妊娠喜脚腫俗呼為皺脚亦有通身腫滿心腹急脹名曰胎水

鯉魚湯治妊娘腹大胎間有水氣

白朮 五兩

芍藥

當歸

各三兩

茯苓

四兩

右剉散以鯉魚一頭修事如食法煮取汁去魚不用每服藥四錢入魚汁一盞半姜十片陳皮少許煎七分去滓空心服

商陸赤小豆湯治妊娘手脚腫滿急

赤小豆

商陸乾

各等分

右為剉散每一兩水一椀煎至七分盞汁清服

腎著湯治妊娘腰脚腫痛

茯苓

白朮

各四兩

乾姜

炮

甘草

各二兩炙

杏仁

去皮尖炒三兩

右為剉散每服四錢水一盞半煎七分去滓食前服

滑胎例

凡懷妊已滿十月形體成就神識咸備分氣趣產宜服滑胎湯藥

枳殼散瘦胎易產胡陽公主服效

枳殼

剉碎炒去穢黑色四兩

甘草

二兩炙

右為末每服二錢空心沸湯點服至七月方可服
臨月忌登高廁

榆白皮散治臨產預服滑胎

榆白皮 槐枝 瞿麥 木通 大麻仁 各等分
右為劉散每服五大錢水二盞煎七分去滓日二服

產難證治

婦人懷憂無踰妊產頃刻之間便至天奪故以陣面
健兒為比不亦危矣凡欲生產切不得喧鬧選一
高性善老娘并純謹家人扶持不可揮霍致令產婦
憂恐如腹中痛甚且令扶行或痛多陣眼中出火方
是兒轉至行不得方好上薦產印有時痛不甚者名

曰弄痛瀕且熟忍時至自產莫妄費力定是難產切
忌喪孝穢汙家人來產訖亦不可見恐傷子須依產
圖方位無致觸犯禁忌為佳產圖見太醫局方

催生湯治產婦陣踈難產經二三兩日不生或胎死腹
中或產母氣乏委頓產道乾澀纔覺陣痛破水便
可投之

- 蒼木 二兩米 泔浸洗 桔梗 一兩 陳皮 六錢 白芷
- 桂心 甘草 各三錢 當歸 川烏頭 炮去皮尖
- 乾姜 炮 厚朴 製 芍藥 半夏 湯洗七次
- 茯苓 附子 炮去皮臍 南星 炮各二錢 川芎 一錢半

枳殼麩炒四錢 南木香一錢 杏仁炒去皮 阿膠數炒各二錢半
右為末每一大錢溫酒下覺熱悶用新汲水調白
蜜服

鈔丹催生及難產橫逆

水銀二錢 黑鈔一錢 鈔內鎔投
水銀結成沙

右用熟絹巾紐出水銀細研以汗衫角紐做丸子
菴豆大臨坐草時香水吞一二九立效仍須敬仰

產科論序

世傳產書甚多千金外臺會王產寶馬氏王氏崔氏
皆有產書巢安世有衛生寶集子母秘錄等備則備

矣但倉卒之間未易歷試惟李師聖序郭稽中產科
經驗保慶集二十一篇凡十八方用之頗効但其開
叙論未為至當始用料理簡辨於諸方之下以備識
者非敢好辨也

產科二十論評

第一論曰熱病胎死腹中者何答曰因母患熱病至
六七日以後臟腑極熱熏蒸其胎是以致死緣兒身
死冷不能自出但服黑神散暖其胎須臾胎氣暖即
自出何以知其胎之已死但看產婦舌色青者是其
候也

黑神散

桂心

當歸

芍藥

甘草

生乾地黄

乾姜

炮各一兩

黑豆

炒去皮二兩

附子

炮去皮臍半兩

右為末每服二錢空心温酒調下一法无附子有

蒲黃

評曰夫妊娘謂之車身二命係焉將理失宜皆能損胎不特病重者所致或因頓仆驚恐出入觸冒及素有癥瘕積聚壞胎最多候其舌青即知子死養胎論云面青舌赤母死子生唇青吐涎子母俱斃又有双懷二胎或一死一活其候尤難知自非臨歧觀變未

易預述不可不備學也然以黑神散温胎未若補助產母使其氣正免致虛乏困頓胎自下矣催生湯殊勝黑神散

催生湯治胎死腹中或產母氣乏委頓產道乾澀難見產第一論曰難產者何答曰胎側有成形塊為兒枕子欲生時枕破與敗血裹其子故難產但服勝金散逐其敗血即自生若逆生橫生並皆治之

勝金散

麝香 一錢

鹽豉

一兩舊青布裹了燒紅急以乳搗研細

右為末取秤槌燒紅以酒淬之調下一錢

評曰產難不只胎側有兒枕破與敗血裹凝隨其胎息因緣自有難易其如橫逆多因坐草太早努力過多兒轉未速或已破水其血必乾致胎難轉若先露脚謂之逆先露手謂之橫法當以微針刺之使自縮入即服神應黑散以固其血必自轉生養生方云倉皇之間兩命所係不可不廣傳蓋贊黑散之功也或以鹽塗兒脚底抓撻之

神應黑散治橫生逆生難產

百草霜 香白芷 各等分

右為細末每服二錢童子小便好醋各一茶脚許

調勻更以沸湯浸四五分服止一服見功甚者再服已分免矣一名烏金散
第三論曰胎衣不下者何答曰母生子訖血流入衣中衣為血所脹是故不得下治之稍緩脹滿腹中以次上衝心胃疼痛喘急者但服奪命丹以逐去衣中之血血散脹消胎衣自下而无所患更有牛膝湯用之甚效錄以附行

奪命丹

附子

半兩炮
去皮臍

牡丹皮 一兩

乾漆

一分搗碎
炒煙盡

右為末醞醋一升大黃末一兩同熬成膏和藥搗

子大温酒下五七丸不以時服

牛膝湯治產兒已出胞衣不下臍腹堅脹急痛甚及

子死腹中不得出

牛膝 酒浸

瞿麥 各四兩

滑石 八兩

當歸 酒浸

木通 各六兩

葵子 五兩

右為劉散每服三錢水兩盞煎七分去滓不以時服

第四論曰產後血暈者何答曰產後氣血暴虛未得安靜血隨氣上迷亂心神故眼前生花極甚者令人悶絕不知人口噤神昏氣冷醫者不識呼為暗風若

作此治之病必難愈但服清魄散自差

清魄散

澤蘭葉 一分 人參 一分 荆芥穗 一兩 川芎 半兩

右為末温酒熱湯各半盞調一錢急灌之下咽即開眼氣定省人事

評曰產後眩暈頃刻害人頃量虛實為治若胃中宿有痰飲阻病不除產後多致眩暈又血盛氣弱氣不使血逆而上攻此等皆非清魄可療痰暈仍用半夏茯苓湯血壅須用牡丹散但缺藥尤難轉用當識輕重所謂擾乎可擾擾亦无擾若氣血平以因去血多

致暈者，芎藭湯尤佳。

半夏茯苓湯 方見惡阻門

牡丹散治產後血暈悶絕狼狽若口噤則拘開灌之必效

牡丹皮 大黃 蒸 芒硝 各一兩 冬瓜子 半合 桃仁 三七粒 去皮尖

右為剉散每服五錢水二盞煎至盞半去滓入芒硝再煎分二服欲產先煎下以備緩急金匱以此

治腸癰但分兩少異

芎藭湯 方見眩暈門

第五論曰產後口乾痞悶者何咎曰產後榮衛大虛

血氣味定食麵太早胃不能消化麵毒結聚於胃院上熏胃中是以口乾燥渴心下痞悶醫者不識認為胃膈壅滯以藥下之反不得一但服見現圓見現圓

姜黃 京三稜 炮 萆澄茄 陳皮

人參 高良姜 蓬木 炮各一兩

右為末用蘿蔔慢火煮爛研細將汁煮麵糊丸如梧子大用蘿蔔湯下三十丸

評曰產後口乾痞悶未必止因食麵或產母內積憂煩外傷燥熱飲食甘辛使口乾痞悶當隨其所因調

之可也煩心宜四物湯去地黃加入參烏梅煎若外傷燥熱看屬何經當隨經為治難以備舉飲食所傷見現圓却能作效

四物湯

方見下第六論

第六論曰產後乍寒乍熱者何答曰陰陽不和敗血不散能令乍寒乍熱產後血氣虛損陰陽不和陰勝則乍寒陽勝則乍熱陰陽相乘則或寒或熱若因產勞臟腑血弱不得宣越故令敗血不散入於肺則熱入於脾則寒醫人若誤作瘧疾治之則謬矣陰陽不和宜增損四物湯敗血不散宜奪命丹又問二者何以

別之答曰時有刺痛者敗血但寒熱无它證者陰陽不和增損四物湯不一皆隨病加減

增損四物湯

當歸

人參

芍藥

川芎

乾姜

炮各

甘草

各四錢

右剉散每服四錢水一盞姜三片煎六分去滓熱服不以時候

評曰乍寒乍熱榮衛不和難以輕議若其敗血不散豈止入脾肺二臟耶大抵一陰閉一陽即作寒熱陰勝故寒陽勝故熱只可云敗血循經流入閉諸陰則

寒閉諸陽則熱血氣與衛氣解則休遇再會而復作
大調經散五積散入醋煎佳

大調經散治產後血虛惡露未消氣為敗濁疑滯榮
衛不調陰陽相乘增寒發熱或自汗或腫滿皆氣
血未平之所為也

大豆 炒去皮 一兩半 茯神 一兩 真琥珀 一錢

右為末濃煎烏豆紫蘇湯調下

五積散 方見傷寒太陰經入醋煎妙

第七論曰產後四肢浮腫者何答曰產後敗血乘虛
停積於五臟循經流入四肢留滯日深却還不得腐

壞如水故令四肢面目浮腫醫人不識便作水氣治
之凡治水氣多用導水藥極虛人夫產後既虛又以
藥虛之是謂重虛往往因致夭枉但服調經散血行
腫消即愈

調經散

沒藥 別研 琥珀 別研 桂心 赤芍藥
當歸 各一錢 細辛 麝香 各半錢 別研

右為末每服半錢匕生姜汁温酒各少許調勻服
評曰產後浮腫多端有自懷妊腫至產後不退者亦
有產後失於將理外感寒暑風濕內作喜怒憂驚血

與氣搏留滯經絡氣分血分不可不辨要當隨所因
脈證治之宜得其情調經散治血分固効但力淺難
憑不若吳茱萸湯枳木湯奪魂散大調經散皆要藥
也

加減茱萸湯治婦人臟氣本虛宿挾風冷胃滿痛

腹脇絞刺嘔吐惡心飲食減少身面虛浮惡寒戰
慄或泄利不止少氣羸困及因生產臟氣暴虛邪

冷內勝宿疾轉甚

吳茱萸

湯洗七次
炒一兩半

桔梗

乾姜炮

甘草炙

麥門冬

去心

半夏

湯洗七次

防風

細辛

當歸 酒浸炒

茯苓

牡丹皮

桂心 各半兩

右為麤末每服四錢水一盞半煎七分去滓食前
熱服

枳木湯治心下堅大如盤邊如旋盤水飲所作名曰氣分

枳實

麩炒去穢
一兩半

白朮 三兩

右生散每服四錢水盞半煎七分去滓溫服腹中
軟即當散也

奪魂散治婦人產後虛腫喘促利小便則愈

生薑

三兩
取汁

白麵 三兩

半夏

七箇湯洗
去滑破

右以生薑汁搜麵裹半夏為七餅子炙焦熟為末

熟水調一錢，小便利為效。

大調經散最治產後腫滿喘急煩渴小便不利。方見第六論

第八論曰產後乍見鬼神者何答曰心主身之血脉因虛傷耗血脉心氣則虛敗血停積上于於心心不受觸遂致心中煩躁卧起不安乍見鬼神言語顛倒醫工不識呼為血邪如此治之必不得愈但服調經散每服加龍腦一捻得睡即安。

調經散

方見第七論每服加龍腦一捻

第九論曰產後不語者何答曰人心有七孔三毛產後虛弱多致停積敗血閉於心竅神志不能明了又

心氣通於舌心氣閉塞則舌亦強矣故令不語如此但服七珍散

七珍散

人參

石菖蒲

川芎

生乾地黄各一兩

細辛一錢

防風

朱砂

各半兩別研

右為末每服一錢薄荷湯調下不以時服

第十論曰產後腹痛又瀉痢者何答曰產後腸胃虛怯寒邪易侵若未滿月飲冷當風乘虛襲留於盲膜散於腹脇故腹痛作陣或如錐力所刺流入大腸水谷不化洞泄腸鳴或下赤白眩脇腹脹或走痛不定

急服調中湯立愈若醫者以為積滯取之則禍不旋踵謹之謹之

調中湯

高良姜

當歸

桂心

芍藥

附子炮

川芎各一兩

甘草炙半兩

右為剉散每服三錢匕水三盞煎至一盞去滓熱服

評曰產後下痢非止一證當隨所因而調之既云飲冷當風何所不至寒熱風濕本屬外因喜怒憂思還從自性况勞逸飢飽皆能致病若其洞泄可服調中

赤白帶下非此能愈各隨門類別有正方錄桃膠散白頭翁湯以備用餘從滯下門選用之

沉香桃膠散治產後利下赤白裏急後重疝刺疼痛

等證

桃膠瓦上焙乾

沉香

蒲黃紙蒲炒各等分

右為末每服二錢陳米飲調下食前服

白頭翁湯治產後下利虛極

白頭翁

甘草炙

阿膠各二兩

黃連

壁皮去麋皮

秦皮去麋皮各三兩

右為剉散每服四錢水一盞半煎七分去滓空服

第三十論曰產後遍身疼痛者何答曰產後百節開張血脉流走遇氣弱則經絡分肉之間血多留滯累日不散則骨節不利筋脉急引故腰背不得轉側手脚不能動搖身熱頭痛也若醫以為傷寒治之則汗出而筋脉動搖手足厥冷變生它病但服趁痛散以默除之

趁痛散

牛膝 酒浸 甘草 炙 薤白 各一分 當歸 桂心 白朮 各半 獨活 半兩 生姜 半兩
右剉散每服半兩水五盞煎至二盞去滓食前分

二次熱服

評曰趁痛散不特治產後氣弱血滯兼能治太陽經感風頭疼腰背痛自汗發熱若其感寒傷食憂恐驚怒皆致身疼發熱頭痛况有蓐勞諸證尤甚趁痛散皆不能療不若五積散入醋煎用却不妨

五積散

方見傷寒太陰經

第十二論曰產後大便秘澁者何答曰產卧水血俱下腸胃虛竭津液不足是以大便秘澁不通也若過五六日腹中悶脹者此有燥糞在臟腑以其乾澁味能出耳宜服麻仁丸以津潤之若誤以為有熱而投

以寒藥則陽消陰長變動百出性命危矣

麻仁圓

麻仁 研

枳殼 麩炒 人參

大黃 各等分

右為末蜜丸如梧子大空心温酒下二十九丸未通又加丸數

評曰產後不得利利者百无一生去血過多藏燥大便祕澁澁則固當滑之大黃似難輕用唯葱涎調臘茶為丸復以葱茶下之必通

阿膠枳殼圓 治產後虛羸大便秘澁

阿膠

枳殼 麩炒去穰等分

右為末蜜丸如梧子大別研滑石為衣温水下二十九半日來未通再服
第十三論曰產後血崩者何答曰產卧傷耗經脈未得平復而勞役損動致血暴崩淋瀝不止或因鹹酸不節傷蠱榮衛氣衰血弱亦變崩中若小腹痛痛肝經已壞為難治急服

固經圓以止之

艾葉

赤石脂 煨

補骨脂 炒

木賊 各半兩

附子

一箇炮 去皮臍

右為末陳米飲和丸梧子大食前温酒米湯下

十九

評曰血崩不是輕病况產後有此是謂重傷恐不止
鹹酸不節而能致之多因憂驚恚怒藏氣不平或產
後服斷血藥早致惡血不消鬱滿作堅亦成崩中固
經丸似難責効不若大料煮芎藭當歸加芍藥湯候
定續次隨證合諸藥治之為得

芎藭當歸加芍藥湯方

方見眩暈門加芍藥等分

第十四論曰產後腹脹悶嘔吐不定者何答曰敗血
散於脾胃脾受之不能運化精微而成腹脹胃受之
則不得受納水谷而生吐逆醫者不識若以尋常治

脹止吐藥療之病與藥不相于轉更傷動正氣疾愈
難治但服抵聖湯

抵聖湯

赤芍藥

半夏

湯洗七次

澤蘭葉

人參

陳皮

各二錢

甘草

炙一錢

右為剉散每作一劑用水二椀生姜半兩煎至二
盞去滓分三次熱服

第十五論曰產後口鼻黑氣起及鼻衄者何答曰陽
明者經脈之海起於鼻交頰中還出俠口交人中左
之右右之左產後氣消血散榮衛不理散亂入於諸

經却還不得故令口鼻黑起及變鼻衄此緣產後虛熱變生此證其疾不可治名胃絕肺敗此證不可治不出方

第十六論曰產後喉中氣急喘者何答曰榮者血也衛者氣也榮行脉中衛行脉外相隨上下謂之榮衛因產所下過多榮血暴竭衛氣无主獨聚肺中故令喘也此名孤陽絕陰為難治若惡露不快敗血停疑上薰於肺亦令喘急但服奪命丹血去喘息自定

奪命丹

方見第二論

評曰產後喘急固可畏若是敗血上薰於肺猶可責

効奪命丹若感風寒或因憂怒飲食鹹冷等奪命丹未可均濟况孤陽絕陰乎若榮血暴絕宜大料煮芎藭湯亦自可救傷風寒宜旋覆花湯性理齋發宜小調經散用桑白皮杏仁煎湯調下傷食宜見現丸五積散

芎藭湯

方見眩暈門

旋覆花湯治產後傷風感寒暑濕效嗽喘滿痰涎壅

塞坐卧不寧

- 旋覆花
- 赤芍藥
- 半夏麩
- 前胡
- 荆芥穗
- 五味子
- 甘草
- 茯苓

麻黃去節湯 杏仁各等分

右為劉散每服四大錢水一盞半姜五片棗一枚煎七分去滓食前服

大調經散 方見第七論

五積散 方見傷寒太陰經入醋煎

見現丸 方見第五論

第十七論曰產後中風者何答曰產後五七日內強
力下床或一月之內傷於房室或懷憂發怒擾蕩冲
和或因暑受傷又傷動臟腑得病之初眼澁口噤肌
肉瞶搐漸至腰脊筋急強直者不可治此乃人作非

偶爾中風所得也

評曰問產後中風風是外邪血虛則或有中之者直
答以人作不可治問答不相領解如何開示後人立
論之難有如此者若是中風當以脉辨看其在何藏依
經調之強力下床月內房室憂怒著矣非中風類薛
勞性氣火邪治各有法非產後病不暇繁引學者識
之

第十八論曰產後心痛者何答曰心者血之主人有
伏宿寒因產大虛寒搏於血凝不得消散其氣遂上
衝擊於心之絡脉故心痛但以大岩蜜湯治之寒去

則血脈溫而經絡通心痛自止若誤以為所傷治之則虛極寒益甚矣心絡寒甚傳心之正經則變為真心痛朝發夕死夕發朝死藥不可輕用如此

大巖蜜湯

乾熟地黄 當歸 濁活 吳茱萸湯

乾姜 炮 芍藥 桂心 甘草 炙

小草 各一兩 細辛 半兩

右劉散每服半兩用水二大盞煎至一盞去滓微熱服

評曰產後心痛雖非產後常病痛或有之九痛未必

便是血痛設是岩蜜湯豈可用熟地黄熟地黄泥血安能去痛此方本出千金用生乾地黄耳茱萸一升合准五兩乾姜三兩細辛治陳寒在下焦方本一兩却減作半兩制奇制耦量病淺深自有品數不可妄意加減然以岩蜜湯治血痛不若失笑散用之有效失笑散治心腹痛欲死百藥不效服此頓愈

五靈脂 蒲黃 微炒各等分

右末先用醞醋調一錢熬成膏入水一盞煎七分食前熱服

第十九論曰產後熱悶氣上轉為脚氣者何答曰產

卧血虛生熱復因春夏取涼過多地之蒸濕因足履
之所以著而為脚氣其狀熱悶掣痺驚悸心煩嘔吐
氣上皆其候也可服小續命湯兩三劑必愈若醫者
誤以逐敗血藥攻之敗血去而疾益增劇

小續命湯 方見中風門

評曰脚氣固是常病未聞產後能轉為者往往讀
金見有產婦多此疾之語便出是證文辭害意可
見矣設是熱悶氣上如何令服續命湯此藥本主少
陽經中風非均治諸經脚氣要須依脚氣方論陰陽
經絡調之此涉專門未易輕論既非產後要病更不

繁引

第二十論曰產後汗出多而變瘧者何答曰產後血虛
肉理不密故多汗因遇風邪搏之則變瘧也瘧者口
噤不開背強而直如發瘧狀搖頭馬鳴身反折須臾
十發氣息如絕宜速斡口灌小續命湯稍緩即汗出
如兩手拭不及者不可治

小續命湯 方見中風門

評曰產後汗出多變瘧亦令服續命湯此又難信既
汗多如何更服麻黃官桂防已黃芩葶不若大豆紫
湯為佳太醫局方太聖散亦良藥也

大豆紫湯

方見眩暈門

第二十一論曰產後所下過多虛極生風者何答曰
婦人以榮血為主因產血下太多氣無所主唇青肉
冷汗出目瞑神昏命在須臾此但虛極生風也如此
則急服濟危上丹若以風藥治之則誤矣

濟危上丹

乳香

太陰玄精

五靈脂

硫黃

陳皮

桑上寄生

阿膠

卷柏生各等分

右將上四味同研勻石器內微火炒勿令焦了又
研極細復入餘藥為末用生地黄汁和丸梧子大

溫酒或當歸酒下二十九食前服

評曰所下過多傷損虛竭少氣唇青肉冷汗出神昏
此皆虛脫證何以謂之生風風是外淫必因感高中
傷經絡然後發動臟腑豈能自生風也虛之說蓋因
脉經云浮為風為虛此乃兩病合說在人迎則為風
在氣口則為虛後學無識便謂風虛是一病謬濫之
甚學者當知

保慶集二十一論人用既多因評其說仍將得効方
附行外有產科諸證併叙于后
三因極一病證方論第十七

三因極一病證方論卷之十八

蓐勞證治

婦人因產理不順疲極筋力憂勞心慮致虛羸喘乏
寒熱如瘧頭痛自汗肢體倦怠咳嗽痰逆腹中絞刺
名曰蓐勞

石子湯治蓐勞

猪腎一對去脂膜四破

香豉

葱白

粳米

當歸

芍藥

各二兩

右為剉散分兩劑每一劑用水三升煮取一小碗
去滓分三服任意服

陰脫證治

婦人趣產勞力努嘔太過致陰下脫若脫肛狀及陰下挺逼迫腫痛舉重房勞皆能發作清水續續小便淋露

硫黃散治產後勞陰脫

硫黃 烏賊魚骨 各半 五味子 一分

右為末糝患處

當歸散治陰下脫

當歸 黃芩 各二兩 芍藥 一分 蠟皮 燒存性 半兩 牡蠣 煨 二兩半

右為末每服二錢溫酒米湯任意調下忌食高舉重

熨法

單炒蛇床子乘熱布裹熨患處亦治產後陰痛

桃仁膏治產後陰腫妨悶

桃仁去皮 枯礬 五倍子各等分

右以下二味為末研桃仁膏拌勻傳之

硫黃湯治產勞玉門開而不閉

硫黃 四兩 吳茱萸 兔絲子 各一兩半 蛇床子

右為剉散每服四錢水一椀煎數沸瀝滓洗玉門日再洗

下乳治法

產婦有三種乳脉不行有氣血盛而壅閉不行者有血少氣弱澁而不行者虛當補之盛當疎之盛者當用通草漏蘆土苴根葶藶者當用成煉鍾乳粉猪蹄鯽魚之屬槩可見矣

漏蘆散治乳婦氣脉壅塞乳汁不行及經絡凝滯乳內脹痛留蓄邪毒或作癰腫此藥服之自然內消乳汁通行

漏蘆 二兩半

蛇蛻 灸一條

瓜蒞 一十枚急火燒存性

右為末每服二錢溫酒調下不以時仍喫熱羹湯助之

成煉鍾乳散治乳婦氣少血衰脉澁不行乳汁絕少

成煉鍾乳粉

右研細每抄二錢濃煎漏蘆湯調下

母猪蹄湯治如前

母猪蹄 一隻治如食法

通草 四兩

右以水一斗浸煮熟得四五升取汁飲不更作

青桑膏治乳硬作痛

嫩桑葉 右採研細

右米飲調攤紙花貼病處千金云凡患乳癰四十已下可治五十已上不可治治之則死不治自得

終其天年

惡露證治

產後兒枕不散乃血瘕堅聚按之攫手日晡增劇疼
痛淋漓不快上攻心胃困頓狼狽宜服黑龍丹當歸
湯奪命丹治之

黑龍丹治產後一切血疾垂死者但灌藥无有不效
者神驗不可言

當歸 五靈脂 川芎 高良姜 乾地黄 生者各一兩
並細剉入一椽頭沙合內赤石脂泥縫紙筋鹽泥固
濟封合炭火十斤煨通紅去火候冷開取合子看

成黑糟乃取出細研入後藥

百草霜 別研五兩 硫黃 乳香 各錢半 花乳石

琥珀 各錢

右為細末米醋煮糊丸如彈子大每服一圓炭火
燒通紅生姜自然汁與无灰酒各一合小便半盞
研開頓服立效

當歸湯治產後敗血不散兒枕硬痛或發或止及新
產乘虛風寒內搏惡露不快臍腹堅脹

當歸 微炒 鬼箭 取羽用 紅藍花 各一兩
右為剉散每服三錢酒一大盞煎七分去滓食前

溫服

奪命丹

方見前第二論

虛煩證治

產蓐最難調理所以忌問男女及不許見穢惡者皆古人預防其妄念也每見婦人以得男則喜得女則憂憂喜太早致心虛煩悶多自此始蓋去血過多血虛則陰虛陰虛生內熱內熱曰煩其證心曾煩滿呼吸短氣頭痛悶亂骨節疼痛晡時輒甚與大病後虛煩相類

人參當歸湯治產後煩悶不安

人參

當歸

麥門冬 去心

乾地黄

桂心

各乙 芍藥 二兩

右為劉散每服四大錢水二盞先將粳米一合淡竹葉十片煎至一盞去米葉入藥并棗三枚煎七分去滓食前服地黄宜用生乾者虛甚則用熟者

蒲黃散

治產後虛煩必效

蒲黃

不以多少 紙上炒

右一味每服一錢七東流水調下不以時候

虛渴證治

產後去血過多津液不回腎氣虛弱多使以煩渴引

飲无度雖非三消其證頗同治之當養血通氣回津
補腎左效

食无味

熟乾地黄 一兩 人參 三兩 麥門冬 二兩

枯樓根 四兩 甘草 半兩

右為剉散每服四錢水二盞糯米一撮生姜二片
棗三枚煎七分去滓食前服

六氣經緯圖治同前方見前妊娠腹痛門

八淋閉證治

諸治產前後淋閉其法不同產前當安胎產後當去
血如其冷熱膏石氣淋等為治則一但量其虛實而
用之瞿麥蒲黃最為產後要藥唯當尋其所因則不
失機要矣

白茅根 八兩 瞿麥穗 白茯苓 各四兩 蒲黃

桃膠 滑石 甘草 各二兩 子貝 十箇

葵子 人參 各二兩 石首魚腦骨 二十箇

右為剉散每服四大錢水一盞半薑三片燈心二十
莖煎七分去滓温服亦可為末煎木通湯調下二
錢如氣壅閉木通橘皮煎湯調下

產後雜病治法

當歸養血圓治產後惡血不散發渴疼痛及惡露不

快臍腹堅脹兼室女經候不勻赤白帶下心腹腰

脚疼痛

當歸 赤芍藥 牡丹皮 延胡索 各二兩 炒桂心 一兩

右為末蜜丸如梧子大溫酒米飲下三五丸食前

溫服痛甚細嚼咽下

四神散治產後留血不消積聚作塊急切疼痛猶如

遁戶及心腹絞痛下利

當歸 芍藥 川芎 乾姜 炮各等分

右為末每服方寸匕溫酒調下

丁香散治產後咳逆

石蓮肉 十箇去心炒 丁香 十枚

右為末水半盞煎數沸照

當歸黃芪湯治產後腰脚疼痛不可轉側壯熱自汗

身體強氣短

黃芪 二兩 當歸 三兩 芍藥 二兩

右剉散每服四大錢水一盞半姜五片煎七分去

滓食前溫服

竹葉湯治產後傷風發熱面正赤喘而頭痛

乾葛 三分

防風

桔梗

桂心

人參

甘草

灸各一分

附子

炮去皮臍

半兩

右為剉散每服四錢水一盞半姜五片棗三箇竹葉十片煎七分去滓空腹服嘔者加半夏

神授散治婦人產後一切疾病不問大小以至危篤不能者

牡丹皮

白芍藥

桂心

陳皮

青皮

各半兩

當歸

百合

浸水

川芎

甘草

灸

乾姜

炮各一兩

人參

神麴

麥蘗

炒各三錢

紅花

半錢

右為末每服二錢水一盞姜三片棗一枚煎七分

空腹服孕婦不得服

調補法

產後氣血既衰五臟俱損唯得將補不可轉利雖惡血未盡亦不可便服補藥須候七日外臍下塊散方可投之若痛甚切者或崩傷泄利虛羸喘乏別生它疾帶起宿患宜尋閱諸方審詳調理不必拘以日數也如黑神散却不妨

黑神散治產後諸疾

當歸

白芍藥

甘草

灸

白薑

炮

桂心

黑豆

炒去皮

蒲黃

熟地黃

各等分

右為未溫酒或小使任意調下空心服息如常一
法去蒲黃加附子

四順理中圓治新產血氣俱傷五臟暴虛肢體羸乏
少氣多汗纔產直至百醉每日常服壯氣補虛調
養臟氣蠲除餘疾消穀嗜食兼治產後臟虛嘔吐
不止

甘草炙二兩 人參 白朮 乾姜炮各一兩

右末煉蜜丸如梧子大每服三十圓溫米飲下空
心食前服

當歸建中湯治產後勞傷羸弱不足腹中疝痛吸吸

少氣小腹拘急痛連腰背時自汗出不思飲食產
訖直至滿月每日二服令人丁壯強健

當歸四兩 桂心三兩 白芍藥六兩 甘草炙二錢

右剉散每服四大錢水一盞半姜三片棗二枚煎
七分去滓入飴糖一塊再煎消服崩傷內衄加阿
膠地黃煎

濟陰丹治產後百疾百日内常服除宿血養新血方見後

人參養血圓治產後出月羸瘦不復常方見後

羊肉湯治產後腹中疼痛虛勞不足裏急脇痛并治
寒疝

當歸 三錢 生姜 一分 精羊肉 四兩 橘皮 半兩
右剉散水三椀酒少許煎至一椀去滓分二服或
少加葱鹽亦佳

婦人女子衆病論證治法

婦人三十六病未論所述名品不同或云七瘕八瘕
九痛十二帶下共三十六雖有名數不見證狀又論
云十二瘕者是所下之物不同一如清血二黑血三
紫汁四赤肉五膿痂六豆汁七葵羹八凝血九清益
十米泔十一如月浣十二經不應期九痛者熱傷痛
冷澁痛淋瀝痛小便時痛經來時痛脇脹痛汁出如

虫啣痛脇下分痛腰膝折痛七害者窮孔不利陰中
寒熱小腹急堅臍內不仁子門揭潤洞泄惡吐五傷
者兩脇支痛心引脇痛氣結不通邪思洩利前後瘕
寒三瘕者羸瘦不生肌斷緒不乳產經水閉塞亦名
三十六病名品雖殊無非血病多因經脈失於將理
產蓐不善調護內作七情外感六淫陰陽勞逸飲食
生冷遂致榮衛不輸新陳干忤隨經敗濁淋露凝滯
爲瘕爲瘕流溢穢惡痛害傷瘕犯時微若秋毫作病
重如山岳古人所謂婦人之病十倍男之雖言之太
過亦明戒約之切也

白聖丹治婦人三十六病崩中漏下身瘦手足熱惡風怯寒咳逆煩滿拘急短氣心脇腰背腹肚與子藏相引痛溺下五色心常恐懼遇恙怒憂勞即發皆是內傷所致

- 白聖 煨
- 白石脂 煨
- 禹餘糧 煨醋
- 烏賊魚骨
- 牡礪 煨
- 龍骨 煨
- 細辛 各一兩半
- 當歸
- 芍藥
- 黃連
- 白茯苓
- 乾姜 炮
- 桂心
- 人參
- 石葦 去毛一兩
- 瞿麥穗
- 白芷
- 附子 炮去皮臍
- 白欬
- 甘草 炙各一兩
- 川椒 煨去汗半兩

右為未蜜丸梧子大空心酒下三十九至五十九濟陰丹治婦人久冷无子及數經墮胎皆因衝任之

- 脉虛損胞內宿挾疾病經水不時暴下不止月內再行或前或後或崩中漏下三十六疾積聚癥瘕臍下冷痛小便白濁以上疾證皆令孕育不成以至絕嗣此藥治產後百病百日內常服除宿血生新血令人有孕及生子充實亦治男子亡血諸疾
- 木香 炮
- 茯苓
- 京墨 燒
- 桃仁 炒去皮尖各一兩
- 秦朮
- 甘草 炙
- 人參
- 桔梗 炒
- 石斛 酒浸
- 香布 燒
- 藁本 各二兩
- 當歸
- 桂心
- 乾姜 炮
- 細辛

牡丹皮 川芎各二兩半 川椒炒 山藥各三 澤蘭
 熟地黄 香附各五兩 蒼朮八兩 大豆卷炒半 糯米炒
 右為末蜜丸每兩作六丸每一丸嚙細食煎溫酒醋湯任下

烏雞煎治婦人百病

吳茱萸醋 良薑 白姜炮 當歸
 赤芍藥 延胡索炒 破故紙炒 川椒炒
 生乾地黄 劉寄奴 蓬莪朮 橘皮
 青皮 川芎各一兩 荷葉灰四兩 白熟艾用糯米飲調餅二兩
 右為末醋糊丸如梧子大每服三五十圓具湯使

如后

日經不通 紅花蘇木酒下
 子宮久冷 白茯苓煎湯下
 血崩豆淋酒調綿灰下
 腸風陳米飲調百草霜下
 漏阻下血 烏梅溫酒下
 胎死不動 斑猫三子箇煎酒下
 胞衣不下 芸臺研水下
 血風眼 黑豆甘草湯下
 身體疼痛 黃芪末調酒下
 白帶 牡礪粉調酒下
 赤帶 建茶清下
 胎不安 蜜和酒下
 心疾 菖蒲煎酒下
 耳聾 蝎點茶湯下
 腰脚痛 當歸酒下
 頭風 薄荷點茶下
 生瘡 地黃湯下
 四肢浮腫 麝香湯下

咳嗽喘痛杏仁桑白皮湯下
腹痛芍藥調酒下
產前後痢白者白姜湯下
赤者甘草湯下雜者湯下
常服溫酒醋湯任下並空心食前服

延齡丹治婦人衆病无所不治

熟地黃 川芎 防風 檳榔 蕪荑炒

蟬蛻洗 栝子仁研 馬牙消燒 人參 黃芪

白薇 川椒各半 鯉魚鱗燒 晚蚕沙炒 當歸

木香炮 附子炮去皮臍 石膏煨 澤蘭各一 藁本

厚朴薑製 甘草炙 白姜炮各一 紅花炒 吳茱萸洗各一分

右爲末煉蜜搜和杵數千下丸如彈子大每服一

丸具湯使如后

血痕塊痛綿灰酒下 催生溫酒細嚼下

血勞血虛桔梗酒下 血崩搜攪灰酒下

血氣痛炒白姜酒下 血風荆芥酒下

血暈悶絕胎死腹中胞衣不下並用生地黄汁童

子小便酒各一盞煎二沸調下常服醋湯溫酒化

下並空心食前服

交感地黃煎圓治婦人產前產後眼見黑花或即發
狂如見鬼狀胞衣不下失音不語心腹脹滿水穀
不化口乾煩渴寒熱往來口内生瘡咽中腫痛心

虛松悸夜不得眠產後中風角弓反張齒赤牙關
緊急崩中下血如豚肝狀臍腹痛血多血少結
為癥瘕恍惚昏迷四肢腫滿產前胎不安產後血
刺痛

生地黄

二斤研以布裂取汁留滓

當歸

一兩

糯米內炒赤色去米

一 生薑

二斤洗研如上法以生薑汁炒地黃滓

兩 地黃汁炒生薑滓各至乾堪為末則止

蒲黃

四兩

炒香

南番琥珀

二兩

別研

右為末蜜為丸彈子大當歸湯化下下丸食前服

皴血圓

調補衝任溫暖血海治胞絡傷損宿瘀乾血

不散受胎不牢多致損墮常服去風冷益血

當歸

牛膝

酒浸

延胡索

炒

芍藥

茴香

蒲黃

紙炒

香附

去毛

蓬朮

菊花

熟地黄

桂心

各二兩為末

烏豆

一升醋煮為末

右用醋煮烏豆乾取豆為末再入二椀煮至一椀

留在作糊為丸如梧子大酒飲任下五十九

人參養血圓

治女人稟受怯弱血氣虛損常服補衝

任調血脉宣壅破積退邪熱除寒痺緩中下堅脹

安神潤顏色通氣散悶兼治婦人懷身腹中絞痛

口乾不食崩傷眩暈及產出月崩瘕不復常者

人參

赤芍藥

川芎

菖蒲

各一兩

當歸 二兩 熟地黄 五兩 烏梅肉 三兩
右為末蜜搜杵數千下丸如梧子大每服五十九
至百丸溫酒米湯任下食前服

四物湯調益榮衛滋養氣血治衝任虛損月水不調
臍腹疔痛崩中漏下血痕塊硬發歇疼痛妊娘宿
冷將理失宜胎動不安血下不止及產後乘虛風
寒內搏惡露不下結生瘕聚小腹堅痛時作寒熱
又治血藏虛冷崩中去血
熟地黄 當歸 酒浸 川芎 白芍藥 各等分
右為劉散每服四錢水一盞半煎七分去滓空心

服忌葱蘿蔔

溫經湯治衝任虛損月候不勻或來多不斷或過期
不來或崩中去血過多不止及治曾經損墮損妊
娠瘀血停留小腹中痛發熱下利手心煩熱唇白
乾燥治小腹有寒久不受胎
半夏 湯七次 去滑 當歸 酒浸 一宿 川芎 人參
白芍藥 牡丹皮 桂心 阿膠 蛤粉
甘草 炙各 二兩 吳茱萸 湯洗炒 三兩 麥門冬 去心 五兩
右為劉散每服三錢水一盞半生薑五片煎八分
去滓熱服空心食前

牡丹散治血虛勞倦五心煩熱肢體疼痛頭目昏重
 心性煩赤口燥咽乾發熱盜汗減食嗜卧及血熱
 相搏月水不利臍腹脹痛寒熱如瘧又治室女血
 弱陰虛榮衛不和痰嗽潮熱肌體羸瘦漸成骨蒸
 牡丹皮 芍藥 甘草 一半鹽湯浸 灸一半生用 桂心
 沒藥 別研 延胡索 紅花 當歸 烏藥 各一
 陳皮 蘇木 鬼箭 蓬朮 炮各一分 乾漆 炒二
 右為末每服二錢白水煎七分忌生冷
 伏龍肝散治氣血勞傷衝任脉虛經血非時忽然崩
 下或如豆汁或成血片或五色相雜或赤白相兼

臍腹冷痛經久未止冷入黃瘦口乾飲食減少四
 肢無力屢煩驚悸使久无子
 伏龍肝 赤石脂 煨醋 牡蠣 煨取粉
 烏賊骨 取粉 禹餘糧 煨醋 桂心 各等分
 右為細末空腹酒飲任調下二錢白多者加牡蠣
 烏賊骨赤多者加赤石脂禹餘糧黃多者加伏龍肝
 桂心隨病加之一法有龍骨
 艾煎丸治崩傷淋瀝小腹滿痛常服補榮衛固經脉
 食茱萸 湯洗 當歸 各七錢半 孰地黃 白芍藥 各一兩半
 石菖蒲 川芎 人參 各一兩 熟艾 四兩用糯米
 四兩用糯米

右為末煮酒煮糊為丸梧子大每服五十九酒飲任下

滋血湯治婦人血風血熱血虛經候溢滯經脈不通

四肢麻木肌體渾身疼痛倦怠將成勞瘵

馬鞭草取穗荆芥穗各四兩桂心當歸

枳殼湯浸赤芍藥川芎各二兩牡丹皮二兩

右鹿為末每服四大錢水一盞半烏梅一枚煎七分去滓空心服

抵當湯治婦人經水不利

水蛭剉炒虻虫去翅足各桃仁三十七箇大黃蒸三錢炒三十箇

右為塵末每服四錢水一盞半煎七分去滓溫服

血未利更服亦治男子有瘕血膀胱痛

萬病丸治室女月經不通臍下堅結大如杯升發熱

往來下痢羸瘦此為血瘕若生肉瘕不可為也

即若瘕證也

乾漆并細炒令火煙出牛膝酒浸一宿各一兩六分

生地黃

右以地黃汁入下二味為末慢火熬俟可丸即丸

如梧子大空心米飲或溫酒下二丸日再勿妄加

病去止藥婦人氣血虛經不行若服破血行經藥

錢取汁

四兩八

錢取汁

錢取汁

錢取汁

錢取汁

錢取汁

錢取汁

是經之也謹之

礬石_{允丸}治婦人經水閉不利藏堅癖_{不止中}有乾

血_下白物_上

礬石_{三分}

杏仁_{一分去}

右研杏仁細入礬灰加少蜜丸如棗大綿裹內陰

中未知再作

三稜煎治婦人血癥血瘕食積痰滯

三稜

蓬朮

青皮

半夏

麥蘗

梧子

大醋湯

右用好醋八升煮乾焙為末醋糊丸梧子大醋湯

下三四十九丸痰積羨湯下

烏金散治婦人血氣血癥血風勞心煩躁筋骨疼痛

四肢困瘦

好黑豆_{拾兩}

沒藥

當歸

焙乾為末

右先將黑豆不犯水淨拭用沙瓶一隻入豆在內

以瓦片蓋塩泥固濟留管通氣炭火二斤煨煙盡

存性以塩泥塞瓶管退火次日取出如鷓翼研

細方入後末研勻不拘時候温酒調下一錢重者

不過三五服忌鯉魚毒肉水母之類

烏喙丸治腸覃病因寒氣客於腸外與百氣相薄正

氣不榮繫瘕肉著惡氣乃起其生也始如雞卵久

久乃成狀如懷胎按之堅推即移月事時下故曰
賜草亦治乳餘疾大小便不利并食有伏虫腫脹
癰疽毒腫久寒邪氣

烏喙炮去皮尖一錢半夏湯洗七次四錢石膏煨藜蘆炒牡蒙

茯苓酒浸各一錢桂心乾薑炮各一錢巴豆六七箇研膏

右末蜜丸如菉豆大每服三五丸食後酒飲任下

治男子疝痛

木香散治婦人脾氣血氣血蠱氣蠱水蠱石蠱

木香 沈香 乳香 研 廿五各一分川芎

胡椒 陳皮 人參 晉礬各半 桂心

乾薑炮 縮砂各一兩 茴香炒一兩半 天茄五兩赤小者日乾秤

右洗焙為末空心日午温陳米飲調下一錢忌羊肉

石莖散治婦人血結胞門或為癥瘕在腹脇間心腹

脹滿腫急如石水狀俗謂之血蠱

石莖一兩 當歸尾 馬鞭草各半 紅花炒半兩

烏梅各半兩 蓬茂炮 三稜炮 蘇木節

沒藥 琥珀別研各一分 甘草各一錢

右為末濃煎蘇木酒調下三十錢不飲酒 薑棗煎湯

調亦得

大腹皮飲治婦人血癭單單腹腫

大腹皮

防已

木通

厚朴薑炭

桔樓

黃芪

枳殼

麩炒桑白皮炙

大黃蒸

陳皮

青皮

五味子各等分

右劉散每服秤一兩水一椀煎至六分去滓入酒一分温服不以時候

大黃甘遂湯治婦人小腸滿如敦敦狀小便微難而不渴產後者為水與血并結在血室也

大黃

四兩

甘遂炮

阿膠

炒各二兩

右劉散每服三錢水一盞煎七分去滓温服其血導下

小柴胡湯治婦人傷風七八日續得寒熱發作有時

經水適斷此為熱入血室其血必結故使如瘧狀

發作有時

方見少陽經傷風傷寒門云傷風必須有汗宜加桂心

小麥湯治婦人藏躁喜悲傷欲哭狀若神靈所作數

呻欠

小麥一升

甘草二兩

右為劉散每服半兩水二盞棗四枚煎至六分去

滓空心温服亦補脾氣

牡丹皮治婦人月病血刺疼痛方見疝氣門

黃芪五物湯治婦人血痺方見痺門

竹茹湯治婦人汗血吐血尿血下血

竹茹 熟地黃 各三兩 人參 白芍藥、桔梗
川芎 當歸 甘草 炙 桂心 各一兩
右為劉散每服四錢水一大盞煎七分去滓不以
時候

膏髮煎治婦人穀氣實胃氣下泄陰吹而正喧

頭髮灰 猪脂

右調勻綿裹如棗核大納陰中

蠹瘡證治

凡婦人少陰脉數而滑者陰中必生瘡名曰蠹瘡或
痛或痒如虫行狀淋漓膿汁陰蝕幾盡皆由心神煩

鬱胃氣虛弱致氣血留滯故經云諸痛痒瘡皆屬心又
云陽明主肌肉痛痒皆屬心治之當補心養胃外以
薰洗坐導藥治之乃可

補心湯 方見心臟虛實門

狼牙湯治婦人陰中蝕瘡爛潰膿水淋漓臭穢

狼牙一味剉濃煎汁以綿纏筋頭大如蠶浸濃汁

瀝陰中日數次

雄黃兌散 方見狐惑門凡蝕於肛者單燒雄黃末
熏之蝕於下部則咽乾苦參湯洗

養胃湯 方見五癢門

小兒論

凡小兒病與大人不殊唯回氣臍風夜啼重舌變紫
容忤積熱驚癇解顛魘病痺病不行數證大人無之
其如傷風傷寒斑痧下痢用藥則一但多少異耳諸
方前已類編可披而得故不重引然養小之書隨唐
間猶未甚該博吾宋則有錢氏要方張氏妙選胡
王備錄幼幼新書及單行小集方論證狀動計千百
不勝備矣今畧取保生要方具前數證以防緩急之
需博雅君子不妨廣覽

小兒初生回氣法

小兒初生氣欲絕不能啼者必是難產或冒寒所致

急以綿絮包裹抱懷中未可斷臍帶且將胞衣置於
火爐中燒之仍搥大紙搥蘸油點於臍帶上往來
偏帶燎之蓋臍帶連兒臍得火氣由臍入腹更以熱
醋湯盪洗臍帶須臾氣回啼哭如常方可浴洗了即
斷臍帶

小兒初生所服藥法

小兒初生急以錦裹指拭盡口中惡血若不急拭啼
聲一出即入腹成百病矣亦未須與乳且先與拍破
黃連浸湯取濃汁調朱砂細末抹兒口中打盡腹中
舊屎方可與乳兒若多睡聽之勿強與乳則自然長

而少病

小兒初生通大小便法

小兒初生大小便不通腹脹欲絕者急令婦人以溫水先嗽口了吸啞兒前後心并臍下手足心共七處每一處九三五次嗽口吸啞取紅赤為度須臾自通不爾無生意有此證遇此方可謂再生

小兒臍風撮口證

小兒初生一七日內忽患臍風撮口百無一活坐視其斃者皆是良可憫有一法極驗世罕有知者凡患此兒齒齙上有小泡子如粟米狀以溫水蘸熱帛裹

手指輕輕擦破即口開便安不用服藥神效

千金變蒸論

凡小兒有生三十二日一變再變為一蒸十變而五小蒸又三大蒸積五百七十六日大小蒸都畢乃成人小兒所以變蒸者是榮其血脉改其五臟變者上氣蒸者體熱其輕者本熱而微驚耳冷尻冷上唇頭白泡起如魚目珠子微汗出其重者體壯熱而脉亂或汗或不汗不欲食食輒吐喎目白睛微赤黑睛微白變蒸畢自明矣此其證也單變小微蒸蒸小劇凡蒸平者五日而衰遠者十日而衰先期五日後

日爲十日之中熱乃除耳或連日數不除切不可
治及灸刺但少與紫丸微下之熱歇便止若身熱耳
熱尻亦熱此乃他病可作別治

紫丸治小兒變蒸發熱不解并挾傷寒溫壯汗後熱
不歇及腹中有痰癖哺乳不進乳則吐哕食癩先
寒後熱者

代赭石 赤石脂 各一兩
巴豆 三十粒去殼壓濁
杏仁 五十粒去皮尖
右以上二味爲末別研巴豆杏仁爲膏相和更擣
一二千杵當自相得若硬入少蜜同杵之蜜器中
收三十日兒服如麻子大一粒與少乳汁食下食

頃後與少乳勿令多至日中當小下熱除若未全
除明日更與一粒百日兒服如小豆一粒以此準
定增減夏自多熱喜令發疹二三十日輒一服佳
紫丸無所不治雖下不虛人

夜啼四證

小兒夜啼有四證一曰寒二曰熱三曰重舌口瘡四
曰客忤寒則腹痛而啼面青白口有冷氣腹亦冷曲
腰而啼此寒證也熱則心躁而啼面赤小便赤口中
熱腹暖啼時或有汗仰身而啼此熱證也若重舌口
瘡則要乳不得口到乳上即啼身額皆微熱急取燈

照口若無瘡舌必腫也客忤者見生人氣忤化而啼也

蒜丸治冷證腹痛夜啼

大蒜一顆慢火煨香熟取出細切半錢研乳香半錢研乳香別研右研勻丸如芥子大每服七粒乳香時乳頭以乳汁送下

燈花散治熱證心躁夜啼

燈花三兩右研細用燈心煎湯調塗口中以乳汁送下日三服蒲黃散治小兒重舌

真蒲黃微炒紙鋪地上出火氣

右研細每抄些小搽舌下時時搽之息愈更以溫水蘸熟帛裹指輕輕按捺之按罷搽藥

牡蠣散治小兒口瘡

牡蠣煨通紅取出候冷研細以紙裹了甘草灸為末一錢匙右和勻時時抄少許搽口中或嘔或吐皆無害

治客忤夜啼法

用本家厨下火柴頭一个火滅者以朱書云吾是天上五雷公將來作神將能收夜啼鬼一縛永不放急急如律令柴頭以火烧焦頭為上書了忽令

兒知立_レ在_二床下_一倚_レ床前脚裏男左女右
黃土散治小兒卒客忤

竈中黃土

蚯蚓屎

各等分

右研_レ勻_レ和_レ水塗_レ兒頭上及五心良

積熱證治

小兒積熱者表裏俱熱遍身皆熱頰赤口乾小便赤
大便焦黃先以四順清涼飲子利動臟腑熱則去或
既去復熱者內熱已解而表熱未解也當用惺惺散
紅綿散加麻黃微發汗表熱迺去表熱去後又發熱
者何也世醫到此盡不能曉或再用涼藥或再解表

或以謂不可醫誤致夭傷者甚多此表裏俱虛氣不
歸元而陽浮於外所以再發熱非熱證也只用六神
散入粳米煎和其胃氣則収陽氣歸內身體便涼熱
重者用銀白散

四順飲子治小兒頭昏頰赤口內熱小便赤大便少

此裏熱也

大黃

濕紙裹煨熟

當歸

洗

赤芍藥

甘草

各等分

右為末三歲以上小兒每服一太錢水一盞煎至
七分作二服食後服
一法用芍藥欲利小便則
用赤者虛熱者加甘草下利者減大黃肩風邪

麻黃去節ハシ中風身體強戴眼者ミ加獨活ミ並於ミ中加減半錢ヲ

惺惺散

桔梗 細辛 人參 甘草灸

白茯苓 芫藁根 白朮

右等分爲末每服一錢匙水一小盞薄荷三葉同煎四分溫服不拘時候

紅綿散

白殭蚕二兩直者炒 天麻一兩生用 天南星二兩薄片切油浸黃

蘇木節二兩半別研

右爲末每服一錢水一小盞入紅錦少許同煎至六分溫服凡小兒風熱頭目不清並宜服之若傷寒有表證發熱者每服入去節麻黃末半錢以下有裏熱心躁渴者入滑石末半錢以下同煎服之

六神散

人參 白茯苓 乾山藥 白朮

白匾豆 甘草灸各等分

右爲末每服一太錢水一小盞棗一個生薑二片同煎至五分通口服此藥用處甚多治胃冷加附子治風證加天麻治利加麩粟殼

銀白散

乾山藥 白朮 白茯苓各半 人參
白蘆豆 知母 甘草炙 升麻各等分
右細末每服一錢水一小盞棗一個煎七分溫服不拘時候

急慢驚風證治

小兒發癇俗云驚風有陰陽二證身熱面赤而發搐搦上視牙關緊硬者陽證也因吐瀉或只吐不瀉日漸困面色白脾虛或冷而發驚馬不甚搐搦微微目上視手足微動者陰證也陽證用涼藥陰證用溫藥不

可一槩作驚風治也又有一證欲發瘡疹先身熱驚跳或發搐搦此非驚風當服發散藥

陽癇

朱砂一分 膩粉 麝香各半 蘆薈
白附子研 甘草銜 胡黃連錢一 蝎梢七箇
白蠶蚕 金砂屑 赤脚蜈蚣一條
右為末二歲以上服半錢是以金銀薄荷湯調下三歲以上一錢匕如口不開灌入鼻中

陰癇

黑附子生去皮臍 生天南星 半夏各二錢 白附一錢
右研細井花水浸七日每月換水浸訖控乾入朱

砂二錢麝一錢拌勻每服下字薄荷湯調下量兒
加減一方用附子生去皮臍為末每服二錢以水
一盞半生薑二片同煎至半盞分三服量兒加
減吐者入丁香五粒同煎乳空時服或用水浸炊
餅為丸如粟米大每服二十粒亦可○餘方見
癩癩門

解顛治法

三辛散治小兒頭骨應合而不合頭骨開解名曰解顛
細辛 桂心 各半 乾薑 七錢
右為末以乳汁和傅顛上乾復傅之兒面赤即愈

又方

蛇蛻 炒焦為末

右用猪頰車中髓調傅頂上日三四度曾有入作
頭巾裹遮護之久而自合亦良法也

懸病證治 懸音技

千金論小兒有懸病者是娠婦被惡神導其腹中令
兒病也懸亦小鬼也其證微微下利寒熱去來毫毛
鬚髮髮者不脫者是也宜服龍膽湯凡婦人先有小
兒未能行而母更有娠使兒飲此乳亦作懸也令兒
黃瘦骨立發熱髮落

龍膽湯治嬰兒出腹血脉盛實寒熱温壯四肢驚悸

吐現者若已能進哺中食實不消壯熱及續發不
解中客人鬼氣並諸驚癇

龍膽 柴胡 黃芩 桔梗 釣藤皮

芍藥 甘草 茯苓 錢半 蠅頭 二枚

大黃 紙裹煨 一兩 濕

右為劉散以水一升煮取五合為一劑十歲已下
小兒皆可服若兒生一日至七日分一合為三服
八日至十五日分一合半為三服生十六日至二十
十日分二合為三服二十日至三十日四十日盡
以五合為三服皆以得下即止此劑為出腹嬰兒

所作若日月長大者以次依此為例必知容忤及
有鬼氣可加入參當歸各二錢半一百日兒加一
錢一字二百日兒加二錢半一歲兒加半兩餘藥
皆准此

疳病證治

小兒疳病者多因闕乳喫食太早所致或因久患臟
腑胃虛虫動日漸羸瘦腹大不能行髮堅發熱無精
神肥兒丸主之

肥兒丸

黃連

神麴 各一兩 大麥蘖 半兩 木香 二錢

檳榔二個不見火使君子肉

肉豆蔻麩裹各半兩

右為末，麩糊為丸，如蘿蔔子大，每服三二十九量，兒歲數加減，熱水吞下。

六神丸治如前證

丁香 木香 肉豆蔻去殼各半兩三味用麩裹同入煨灰火煨令麩熟為度

訶子半兩煨去核使君子蘆薈各一兩細研入

右為末，以棗肉和丸，如麻子大，每服五丸至七丸，溫米飲下，乳食前服。

龍膽丸治疳病發熱

龍膽草 黃連 使君子肉 青橘各等皮分

右為末，猪膽汁和為丸，如蘿蔔子大，每服二十粒，以意加減，臨卧時熱水下。

不行證治

五加皮散治小兒三歲不能行者，由受氣不足，體力虛怯，腰脊脚膝筋骨軟弱，故不能行。

真五加皮

右為末，粥飲調，滴酒少許，每服一粟殼許，日二服。

三因極一病證方論卷十八終

元祿六 癸酉

兒玉九郎右衛門開板

申九清代

